

Terenga 5: Hōtaka 29 – Te Rerenga: ‘He ___ nā/nō ___’

He Mihi

Kei ngā ringa toutou ahi o tēnā papakāinga, o tēnā papakāinga o te motu, haria mai ngā renga o ō koutou ahi ki te rua ngārehu o konei, kia pūkauri ai te muranga o te kanaku o te reo.

Hei Mahi Whakarongo

Me mihi rā te rangapū waihanga hōtaka, a Raukatauri, mō rātou i hopu i ngā waiata me ngā haka a ngā hapori Māori puta i te motu. I te rā nei ka mātakitaki tātou i te haka pōhiri rongonui a Ngāti Porou e kīia nei, ko Te Urunga Tū.

Anei ngā pātai hei whakautu mā koutou:

- 1) He aha te kaupapa mātāmua o tēnei haka pōhiri?
- 2) Ko wai te 'manu' e kōrerohia nei?
- 3) He aha te tikanga o ngā kupu 'nāna' i tohatoha ki Niu Tīreni, ka hīpoki'?

Kia mātakitaki ake tātou i ngā uri o Porourangi rāua ko Hamo-te-rangi.


He Whakamārama

E hāngai ana ngā ture a me te o ki te kupu 'nā' me te kupu 'nō' i roto i ngā rerenga ka tīmata ki te pū 'He'. Ka whiriwhirihia te 'nā', te 'nō' rānei i runga i te āhua o te hononga ā-whakapapa nei, ā-tūranga rānei. Tirohia ngā tauira kei raro iho nei:

- a) He ākonga ahau nā Wharehuia.
- e) He tamāhine ahau nā Tīoriori.
- i) He whaea ahau nō Akiira.
- o) He kaiako ahau nō aku ākonga.
- u) He uri ahau nō Raukawa rāua ko Mahinaarangi.

He Mahi Ī-papa

Tuhia he rerenga kōrero hei whakakīkī i ngā āputa:



Hei Mahi

Tēnā tuhia mai he rerenga kōrero hei whakamahi i ia kupu kei raro iho nei. Me tīmata ki te pū 'He', me uru hoki te kupu 'nā', te 'nō' rānei ki ia rerenga kōrero.

1. irāmutu
2. tumuaki
3. pononga
4. kaimahi
5. kuia

Whakautu:

Mahi Īpapa: He tupuna a Te Werawera nō mātou.

1. He irāmutu rātou nā māua ko taku hoa tāne.
2. He tumuaki ia nō te kura.
3. He pononga tātou nā te reo Māori.
4. He kaimahi ērā nā Te Wānanga.
5. He kuia tērā wahine nō ngā tamariki o te kōhanga reo.